

UGOVOR
**o nabavci i isporuci opreme za realizaciju projekta „elektronski dnevnik“ u
javnim srednjim školama na području kantona sarajevo**

Zaključen dana 04.01.2021. godine između:

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO

sa sjedištem u Sarajevu, ul. Reisa Džemaludina Čauševića br. 1, ID broj: 4200666870003,
kojeg zastupa mr. Anis Krivić, ministar (**u daljem tekstu: Naručilac**)

i

R&S d.o.o. Sarajevo, sa sjedištem u Vogošći, ul. Igmanska bb, PDV broj: 200056290005,
kojeg zastupa Kemal Selmanagić, direktor (**u daljem tekstu: Dobavljač**)

1. PREDMET UGOVORA:

Predmet Ugovora je nabavka i isporuka računarske opreme (laptopa) za realizaciju projekta „Elektronski dnevnik“ u javnim srednjim školama na području Kantona Sarajevo u skladu sa ponudom broj: 32597/20 od 11.12.2020. godine za sljedeću stavku:

- Laptopi sa Windows licencom i antivirusnom zaštitom

2. OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku opreme u prostorijama koje odredi Kupac;
- održavanje u garantnom roku.

3. CIJENA:

Ukupna cijena za isporuku računarske opreme (laptopa) po ovom Ugovoru iznosi:

1. Cijena bez PDV-a	253.980,00 KM
2. PDV	43.176,60 KM
3. Cijena sa PDV-om	297.156,60 KM.

Slovima: (dvijestotinedevadesetsedamhiljadastotinupedestšest i 60/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište koje odredi Kupac, ocarinjeno, sa porezom na dodanu vrijednost.

4. NAČIN PLAĆANJA:

Cijena ostaje fiksna za vrijeme trajanja ugovora.

Kupac će plaćanje ugovorenih obaveza Prodavcu izvršiti u roku od 30 (trideset) dana od dana dostavljene fakture za isporučene robe na transakcijski račun Prodavca:

338 900 2208510 172 otvoren kod Unicredit banke.

Prodavac je saglasan da Kupcu neće zaračunavati zatezne kamate za zakašnjenje pri plaćanju preko „Trezora“, ako je Kupac u ugovorenom roku predao nalog za plaćanje, a Prodavac primio uplatu sa odgodom od jednog ili više dana od ugovorenog roka iz stava 1. ovog člana.

5. ROKOVI I MJESTO IZVRŠENJA ISPORUKE:

Rok za isporuku opreme iz tačke 1. ovog Ugovora je odmah po potpisivanju Ugovora, a najdalje u roku od 90 dana. Prodavac se obavezuje predmetnu opremu isporučiti u prostorije srednjih škola na području Kantona Sarajevo. Troškove prijevoza do mjesta isporuke snosi Prodavac.

6. PRIMOPREDAJA – TEHNIČKI PRIJEM OPREME

Isporučena oprema mora biti nova, s naznakom proizvođača te odgovarati svojstvima iz tehničke specifikacije opreme, koja je sastavni dio ovog ugovora. Primopredaja opreme vrši se potpisom otpremnice, a ista se potpisuje nakon kvalitativnog i kvantitavnog prijema opreme, koji će izvršiti nadzorni organ kojeg odredi Ministarstvo za obrazovanje, nauku i mlade Kantona Sarajevo.

Komisije srednjih škola kao nadzorni organ, a imenovane rješenjem direktora/ice u prisustvu ovlaštenih predstavnika Prodavca, izvršit će tehnički prijem, uz sačinjavanje zapisnika o izvršenom kvalitativnom i kvantitativnom prijemu opreme, u cilju utvrđivanja da li isporučena oprema odgovara zahtjevima iz tehničke specifikacije opreme kao sastavnog dijela tenderske dokumentacije.

U slučaju da se prilikom tehničkog prijema opreme utvrdi da ista ne ispunjava postavljene zahtjeve, da ima vidljive nedostatke ili da nije u funkciji, komisija škole ima pravo da odbije prijem takve robe, uz mogućnost da prodavac u roku koje odredi Ministarstvo, zamijeni odbijenu robu.

Svi troškovi u vezi sa zamjenom opreme koja nije u skladu sa zahtjevima Ministarstva i tehničkom specifikacijom, u smislu prethodno navedenog, kao i druge troškove štete koje bi mogli proisteći s tim u vezi, padaju na teret Prodavca.

Ukoliko se pregledom utvrdi da kvalitet i kvantitet ponuđene računarske opreme ne odgovara traženom, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Prodavca.

7. GARANCIJE:

Za ugovorenu opremu iz tačke 1. ovog Ugovora Prodavac daje garanciju na kvalitet i funkcionalnost u trajanju od:

a) 36 mjeseci od dana isporuke.

Garancija za kompletnu opremu obuhvata sve kvarove nastale usljed grešaka u projektiranju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo usljed:

1. nepravilne, nestručne upotrebe opreme,
2. neadekvatnih uslova za rada opreme,
3. više sile i
4. drugih nepredviđenih događaja.

Prodavac će Kupcu u roku od 10 dana od dana zaključenja Ugovora (obostranog potpisivanja), dostaviti Bezuslovnu bankovnu garanciju za uredno izvršenje Ugovora u iznosu od 10% od vrijednosti Ugovora. Sa klauzulom plativo na prvi pisani poziv korisnika garancije i bez prava prigovora, sa rokom važnosti ugovora +90 (devedeset) dana.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

8. OBAVEZE KUPCA/PRODAVCA:

Kupac i Prodavac se obavezuju da u roku od 24h od potpisa Ugovora pismeno obavijesti Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Kupac je obavezan da do momenta isporuke dostavi Prodavcu pismenu izjavu da je oprema iz tačke 1. ovog Ugovora, osnovno sredstvo za obavljanje registrirane djelatnosti.

9. AUTORSKA PRAVA:

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

10. RASKID UGOVORA I NAKNADA ŠTETE

Ugovorne strane su saglasne da, ukoliko jedna od ugovornih strana propusti ispuniti ovim ugovorom propisane obaveze, odnosno ne postupa u skladu sa njegovim odredbama, druga ugovorna strana ima pravo jednostrano raskinuti ugovor, na osnovu izjave date u pisanoj formi.

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

11. ZAVRŠNE ODREDBE

Sve eventualne izmjene ovog Ugovora, mogu se izvršiti isključivo i samo uz obostranu saglasnost ugovornih strana.

Ovaj ugovor je sastavljen u 6 (šest) istovjetnih primjeraka od kojih svaka ugovorna strana dobija po 3 (tri) primjerka.

PRODAVAC:
R&S d.o.o.

DIREKTOR

Kemal Selmanagić

KUPAC:
KANTON SARAJEVO
Ministarstvo za obrazovanje, nauku i mlade

MINISTAR

Mr. Anis Krivić

Broj: 02/2021

Sarajevo, 04.01.2021. godina

Broj: 11/07-11-40969-8/20

Sarajevo, 04.01.2021. godina